

Na osnovu člana 205. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj 6/06, 75/06, 44/07, 84/09) ministar komunikacija i transporta Bosne i Hercegovine donosi

NAREDBU

O HOMOLOGACIJI KATADIOPTERSKIH UREĐAJA ZA MOTORNA VOZILA I NJIHOVE PRIKOLICE

I PODRUČJE PRIMJENE

Član 1.

Katadiopteri namjenjeni za ugradnju na vozila kategorije L, M, N, O i T moraju biti homologovani u skladu sa ovom naredbom.

Na osnovu njihovih svjetlosno-tehničkih karakteristika katadiopteri su razvrstani u tri klase: klasa IA ili IB, klasa IIIA ili IIIB, klasa IVA.

II ZAHTJEVI

Član 2.

Jednoobrazni uslovi za katadioptere namjenjene za ugradnju na vozila kategorije L, M, N, O i T iz člana 1. ove naredbe koji podliježu ispitivanju, metode ispitivanja, način vršenja kontrole saobraznosti serijske proizvodnje sa homologovanim tipom, postupak i način uzimanja uzoraka serijske proizvodnje, sadržaj izvještaja o ispitivanju radi izdavanja saopštenja o homologaciji, izgled homologacijske oznake i obrazac saopštenja o homologaciji dati su u Jednoobraznim propisima koji se odnose na homologaciju katadiopterskih uređaja za motorna vozila i njihove prikolice (Pravilnik broj 3 Ekonomske komisije za Evropu Organizacije ujedinjenih nacija, u daljem tekstu: ECE pravilnik br. 3.), sa važećim izmjenama i dopunama koje je prihvatila i primjenjuje Bosna i Hercegovina, donesenim na osnovu Sporazuma o usvajanju jednoobraznih tehničkih propisa za vozila sa točkovima, opremu i dijelove koji mogu biti ugrađeni i/ili korišćeni na vozilima sa točkovima i uslovima za uzajamno priznavanje dodijeljenih homologacija na osnovu ovih propisa („Službeni glasnik Bosne i Hercegovine“, broj /2010).

ECE pravilnik br. 3 u izvornom obliku (na engleskom jeziku) dostupan je u Ministarstvu komunikacija i transporta Bosne i Hercegovine, odnosno kod organizacije određene za obavljanje administrativnih poslova u oblasti homologacije.

III HOMOLOGACIJA I ISPITIVANJE

Član 3.

Homologacija katadioptera namjenjenih za ugradnju na vozila kategorije L, M, N, O i T u smislu ove naredbe vrši se na uzorcima tipa obuhvaćenim ovom naredbom.

Homologacijska ispitivanja katadioptera namjenjenih za ugradnju na vozila kategorije L, M, N, O i T u smislu ove naredbe može provoditi samo laboratorija ovlaštena od strane Ministarstva komunikacija i transporta Bosne i Hercegovine.

IV PROVJERA USKLAĐENOSTI

Član 4.

Provjera usklađenosti vozila sa zahtjevima ove naredbe provodi se prema postupku koji je propisan Pravilnikom o homologaciji vozila, dijelova, uređaja i opreme vozila („Službeni glasnik BiH”, broj 41/08).

Pri provjeri usklađenosti novoproduzvenih i korišćenih vozila prihvataće se homologacije dodijeljene u skladu sa serijom (serijama) izmjena i dopuna ECE pravilnika br. 3 prema Odluci o najnižim tehničkim zahtjevima za novoproduzvena i korišćena vozila pri homologaciji tipa vozila i homologaciji pojedinačnog vozila, koju će donijeti ministar komunikacija i transporta Bosne i Hercegovine.

V PRIMJENA

Član 5.

Ova naredba stupa na snagu osmog dana od dana objavljivanja u „Službenom glasniku BiH”.

Danom stupanja na snagu ove naredbe prestaje da važi „Naredba o ratifikaciji osam pravilnika (od 1. do 8.) za jednoobrazne uslove za homologaciju auto-opreme”, Jednoobrazni propisi koji se odnose na homologaciju katadiopterskih uređaja za motorna vozila, „Službeni list SFRJ-Međunarodni ugovori i drugi sporazumi”, broj 2/69.

Ministar

.....
mr sc. Rudo Vidović